

Pierre Gramegna

Finanzminister



© SIP/Yves Kortum

De Pierre Gramegna ass den 22. Abrëll 1958 zu Esch-Uelzecht gebuer.

Studium an Ausbildung

No senger Première am Escher Jongelycée (Sectioun Mathematik Latäin) studéiert de Pierre Gramegna Droit an Ekonomie op der Universitéit Panthéon-Assas (Paris II), wou hien 1981 eng Maîtrise am Zivilrecht an 1982 eng Lizenz an de Wirtschaftswissenschaften mécht. Hie schléisst seng postuniversitär Studie mat engem DEA (Diplôme d'études approfondies) am Droit communautaire of. 2020 krut hien en Éierendoktortitel vun der École supérieure de commerce de Paris fir seng leedend Roll an de Beräicher Finanzen an Diplomatie esou wéi fir säin Engagement fir d'nohaltig Entwécklung zu Lëtzebuerg. Ausserdeem huet hien en Éierendoktortitel vun der Sacred Heart University Luxembourg.

Regierungsfunktiounen

No de Chamberwale vum 14. Oktober 2018 gëtt de Pierre Gramegna de 5. Dezember 2018 zum Finanzminister an der Koalitiounsregierung vun DP, LSAP an déi gréng erënnert.

No de Chamberwale vum 20. Oktober 2013 war de Pierre Gramegna de 4. Dezember 2013 fir d'éischt an d'Regierung agetrueden.

Als Finanzminister huet de Pierre Gramegna ëmfaassend Reformen agefouert, fir de Staatsbudget auszegläichen a fir d'Lëtzebuurger Steiervirschreften un international Transparenzstandarden unzepassen. Duerch dës Beméiungen krut Lëtzebuerg ëmmer nees vun alle groussen Ratingsagencë säin

AAA-Rating bestätegt a gouf 2015 beim Global Forum on Transparency and Exchange of Information for Tax Purposes op de Niveau „largely compliant“ opgewäert. Doriwwer eraus huet de Pierre Gramegna 2014 de Lëtzebuurger Staatsfong zu Gonschte vun zukünfte Generatiounen gegrënnt.

De Pierre Gramegna ënnerstëtzt och d'Diversifizierung vum Lëtzebuurger Finanzsektor, besonnesch am Hiebel op FinTech an nohaltig Finanzen. Hien ass Begrënner a President vun der LHOFT-Fondatioun, déi d'Luxembourg House of Financial Technology bedreift.

Während der Lëtzebuurger EU-Präsidenz (zweet Halschent 2015) huet de Pierre Gramegna als President vum EU-Ministerrat fir Wirtschaft a Finanzen aktiv dozou bäigedroen, fir richtungsweisend Accorden ze erreechen, wat engersäits d'Aufklärung vum automatischen, EU-wäiten Austausch vun Informatiounen iwwer verbindlech Steiervirbescheeder (*tax rulings*) an anersäits déi sougenannte Verbréiwungen (*securitisations*) betrëfft.

De Pierre Gramegna leet och besonnesch Wäert op d'Roll vu Lëtzebuerg bei multilateralen Entwécklungsbanken. 2014 gouf Lëtzebuerg Member bei der Afrikanescher Entwécklungsbank (African Development Bank), an 2015 ass Lëtzebuerg als éischt net-asiatescht Land der Asiatescher Infrastrukturinvestmentbank (Asian Infrastructure Investment Bank, AIIB) bäigetrueen. Am Mee 2016 gouf de Pierre Gramegna fir ee Joer zum President vum Gouverneursrot vun der Europäescher Bank fir Neiofbau an Entwécklung (European Bank for Reconstruction and Development) gewielt.



LE GOUVERNEMENT
DU GRAND-DUCHÉ DE LUXEMBOURG

Doriwwer eraus sëtzt hien am Gouverneursrot vun der Europäescher Investitiounsbank (European Investment Bank, EIB) a vum Europäesche Stabilitéitsmechanismus (European Stability Mechanism, ESM). Ausserdeem vertritt hie Lëtzebuerg als Gouverneur beim Internationale Währungsfond (International Monetary Fund, IMF), bei der Weltbank a bei der Asiatescher Entwécklungsbank (Asian Development Bank).

Berufsstätegkeet

De Pierre Gramegna gëtt 1983 Berufsdiplomat am Ausseministère. 1988 gëtt hien da Conseiller fir politesch a wirtschaftlech Ugeleeënheete bei der Lëtzebuergescher Ambassade zu Paräis, wat hie véier Joer laang bleift, bis hien zum Generalkonsul an Direkter vum Board of Economic Development zu San Francisco ernannt gëtt.

Vun 1996 bis 2002 ass de Pierre Gramegna Ambassadeur vu Lëtzebuerg a Japan an a Südkorea. Duerno schafft hie während engem Joer als Direkter vun den internationale Wirtschaftsbeziéungen am Ausseministère.

2003 hält de Pierre Gramegna de Poste vum Generaldirekter vun der Handelskummer (Chambre de Commerce) un; e Posten, op deem hie bis zu senger Nominatioun als Minister, am Dezember 2013, bleift.

Éier de Pierre Gramegna an d'Regierung trëtt, war hie Verwaltungsrotsmember vu verschiddene Gesellschaften, wéi zum Beispill bei der Cargolux Airlines International SA (als President vun 2004 bis 2008), der Bourse de Luxembourg (Luxembourg Stock Exchange), der LuxExpo Luxembourg an der BGL BNP Paribas Luxembourg SA. Ausserdeem war hien och a ville konsultative Kommissiounen aktiv, wéi zum Beispill am konsultative Comité fir den Aussenhandel (Comité consultatif du commerce extérieur), am Comité fir Wirtschaftsentwécklung (Comité de développement économique) an am nationale Comité fir d'Förderung vum Entrepreneursgeescht (Comité national pour la promotion de l'esprit d'entreprise).

www.gouvernement.lu



LE GOUVERNEMENT
DU GRAND-DUCHÉ DE LUXEMBOURG